



REPUBLIKA E SHQIPËRISË
MINISTRIA E FINANCAVE

UDHËZIM PLOTËSUES

NR. 20/3 DATE 10.07.2009

“PËR PËRGATITJEN E BUXHETIT VENDOR”

Në përputhje me nenin 27 të Ligjit Nr. 9936 date 26.06.2008, “Për Menaxhimin e Sistemit Buxhetor ne Republikën e Shqipërisë”, Ministri i Financave,

U D H E Z O N:

Hyrje

Kërkesat për PBA 2010-2012 duhet të përgatiten në zbatim të Udhëzimit Nr. 20/1 date 26.02.2009 “Për Përgatitjen e Buxhetit Vendor”, Udhëzimit Nr. 20 date 26.02.2009, “Për përgatitjen e buxhetit të shtetit dhe fondet speciale” dhe të këtij Udhëzimi Plotësues.

A. Tavanet për Përgatitjen e Buxhetit

- Tavanet Përfundimtare të shpenzimeve të Programit Buxhetor Afatmesëm 2010-2012, të përgatitura në baze të rivlerësimit të kuadrit makroekonomik dhe fiskal 2010-2012 dhe të miratuar nga Këshilli i Njesisë së Qeverisjes Vendore do të merren në konsiderate për hartimin e buxhetit të vitit 2010.
- Në parashikimin e të ardhurave nga taksat dhe tarifat vendore do të mbani parasysh ndryshimet e bëra në ligjin Nr. 10 117, date 23.04.2009, “Për disa ndryshime në ligjin Nr. 9632, date 30.10.2006, “Për sistemin taksave vendore”, të ndryshuar.
- Kërkesat për fonde buxhetore janë detyrimisht brenda këtyre tavanëve dhe të shoqëruara me një relacion shpjegues.
- Transferta e pakushtëzuar për vitin 2010, do të jete afërsisht 7 % më e madhe se transferata e pakushtëzuar nga buxheti i shtetit i vitit 2009.
- Kriteret dhe koeficientët e formulës së shpërndarjes së transferues së pakushtëzuar për vitin 2010 do të jenë ato të vitit 2009.

B. Afatet për Përgatitjen e Buxhetit

- Bazuar në nenin 27 të Ligjit Nr. 9936 datë 26.06.2008 “Për Menaxhimin e Sistemit Buxhetor në Republikën e Shqipërisë”, përgatitja e kërkesave buxhetore për Fazën II të PBA 2010-2012, fillon me datë 10.07.2009 dhe përfundon **ne datën 31 Gusht 2009** për njësitë e qeverisjes qëndrore. Afërsisht i njëjti kalendar ju rekomandojmë që të aplikojnë edhe njësitë e qeverisjes vendore. Formularët Nr. 1 dhe 2 sipas Udhëzimit Nr. 20/1 datë 26.02.2009 “Për Përgatitjen e Buxhetit Vendor”, nëse kanë ndryshime me ato të dërguara më parë pas miratimit nga Këshilli të PBA-se, duhet të dërgohen në Ministrinë e Financave brenda datës 15 Gusht.

C. Procedurat për Përgatitjen e Kërkesave Buxhetore

- Procedurat për hartimin e kërkesave buxhetore janë të detajuara në Udhëzimin Nr. 20/1 datë 26.02.2009 “Për Përgatitjen e Buxhetit Vendor” dhe anekset përkatëse sipas formateve standarde në Excel. Kërkesat për shpenzime kapitale plotësohen sipas procedurave të Menaxhimit të Investimeve Publike të Udhëzimit Nr. 20 date 26.02.2009, “Për përgatitjen e buxhetit të shtetit dhe fondet speciale”.
- **Ne ndryshim nga Faza e I e PBA, gjate Fazës se II nuk do te përgatiten kërkesa shtesë.** Kjo do te thotë se procedurat për hartimin e kërkesave shtese nuk janë të aplikueshme në Fazën e II te përgatitjes se PBA-se.

D. Dorëzimi i Raporteve te Kërkesave për Shpenzime te PBA 2010-2012

- Formularët Nr. 1 dhe 2 te PBA-se të dërguara nga njësitë e qeverisjes vendore në Ministrinë e Financave, nëse pas miratimit te PBA-se nga Këshilli kanë ndryshuar, ato duhet të ridërgohen edhe një here në Ministrinë e Financave të korrigjuara sipas vendimit të Këshillit brenda datës 15 Gusht në rrugë zyrtare dhe në rrugë elektronike.
- Njësitë e qeverisjes vendore që nuk kanë dërguar në Ministrinë e Financave deri me datë 01 Qershor 2009, Formularin Nr.1 “Parashikimi i të ardhurave për periudhën 2010-2012” dhe formularin Nr.2, “Parashikimi i shpërndarjes së burimeve financiare për periudhën 2010-2012”, sipas udhëzimit te Ministrit te Financave Nr. 20/1, date 26.02.2009, duhet ti dërgojnë ato menjëherë ne rruge zyrtare dhe elektronike dhe ne raste te kundërte, personat përgjegjës do të ndëshkohen sipas nenit 71 te Ligjit Nr. 9936 i datës 26.06.2008 “Për Menaxhimin e Sistemit Buxhetor ne Republikën e Shqiperise”
- Formularët e mësipërm (Formulari 1 dhe 2) dërgohen në Ministrinë e Financave zyrtarisht dhe në forme elektronike. Forma elektronike paraqitet me CD, flash ose në adresat: fbrahimi@minfin.gov.al, jmemaj@minfin.gov.al.

E. Mbështetja Këshillimore për Ministrinë e Linjës dhe Institucionet Qendrore

- Ministria e Financave, në kuadër të mbështetjes këshillimore për përgatitjen e PBA 2010-2012, vë në dispozicion për çdo Njësi të Qeverisjes Vendore adresat e e-mail-it. fbrahimi@minfin.gov.al, jmemaj@minfin.gov.al dhe numrin e telefonit 04 226 96 50.

Ridvan BODE

MINISTER

Konceptoi: F.Brahimi, J.Memaj